


Trun-Cultura

L'ENTSCHATTA / DER ANFANG

sonda, 2 d'uest 2025 – dumengia, 28 da settember 2025



Aunc duront la reconstrucziun sesarva la CASA CARIGIET per l'emprega gada al publicum: L'ENTSCHATTA / DER ANFANG presenta ovras dad Alois Carigiet ord il relasch dalla famiglia, ovras ch'illustraschan il motiv da plazzals. Cumplettada vegn l'exposiziun entras l'installaziun KLIMAX dall'artista da Basilea Nadine Cueni ella stalla ed el curtin, in'inscenaziun digl uaul selvadi «Scatlè» sur Trun, in plazzal perpeten da regiuvinaziun.

Vernissascha

Sonda, ils 2 d'uest 2025, 14:00-17:00

Adressa

Casa Carigiet, Plaz Cadruvi 36, 7166 Trun

Temps d'avertura

Ils 2 d'uest – 28 da settember, venderdis tochen gliendisdis, 14:00-17:00

Entrada 2025

Regular CHF 10.-, 7-20 Jahre CHF 5.-. Entrada libra per commemberAs da Trun-Cultura

Ticket cumbinau cul **Museum Sursilvan Cuort Ligia Grischa ni** era cul **SPAZI SPESCHA** (valeivel duront il temps d'exposiziun) CHF 17.- / 8.-

Arrivada

cul tren: staziun Trun e 10 minutas a pei

cun auto: parcadis avon casa communal na all'entrada dil vitg visavis il Museum sursilvan

[flyer dall'exposiziun](#)

Alois Carigiet ha era malegiau plazzals. Experts san da quellas lavurs, laics denton pon esser surstai dalla schelta da quei motiv. Quellas lavurs nunenconusentas discuvieran bia dil carstgaun Alois Carigiet: tgei che muentava el, quei ch'el tschercava e co el ha transformau siu interess infinit e sia fascinaziun pigl ambient.

L'exposiziun d'avertura ella **CASA CARIGIET** tematisescha l'entschatta da mintga midada. **L'ENTSCHATTA / DER ANFANG** possibilitescha in sguard sin lavurs nunenconusentas e motivs digl artist, scaffend il medem mument ina relaziun directa cun la casa paterna ch'ei actualmein en cumpleina transformaziun – la **CASA CARIGIET** – dapi zaconts onns ina ruina da barschament e sin buna via da daventar ina casa aviarta da cultura che viva.

Buca lunsch naven da Trun, ella Val Frisal, sesanfla in dils davos uauls selvadis en Svizra, numnaus "Scatlè". Quei uaul han ins declarau gia 1910 sco reservat dalla natira ed el ei in dils davos uauls da pégnas ellas Alps.

Ils maletgs dad Alois Carigiet che sesanflan ella **CASA CARIGIET**, dapresent en reconstrucziun, tematiseschan il tema carstgaun e tecnica. Aschia s'occupescha era Nadine Cueni e sia installaziun **KLIMAX** cun la relaziun da cultura e natira. La preschientscha dil carstgaun ella natira ei indiscutabla, gie schizun el uaul selvadi Scatlè.

Omisduas lavurs muossan in mument da transformaziun brachiala e metamorfosa el ciclus da destrucziun e nov'entschatta.

**Liug**

Casa Carigiet, Plaz Cadruvi 36, 7166 Trun

Organisatur

Trun Cultura

Damondas

info@trun-cultura.ch